

QVÆSTIO MEDICA.

CARDINALITIIS DISPVATIONIBVS

MANE DISCVTIENDA,

IN SCHOLIS MEDICORVM,

die Iouis xv. Martij.

M. PETRO BOVRDELOT, DOCTORE;

Serenissimæ Reginæ Sueciæ Medico primario,

Abbate Massænsi, Præside.

Est-ne homo fruges consumere natus?

I.

HVMANVM corpus omnium viuentium præstantissimum atque ornatissimum, καὶ τῆς τολμυροτάτης φύσεως ἀγαλλμα, penè innumero constat partium apparatu, & organorum mirabili supellectile. Ex his nulla est vel minima particula, quæ animâ actionem & vsum non habeat ad vitam; & quæ pro conditione debitam non sortiatur temperiem, æquè ac propriam nanciscatur substantiam, eam quidem ipsorum testimonio sensuum pulcherrimè conformatam. Præcipuum cujuslibet obeundæ functionis instrumentum est spiritus, siue fixus, siue influens. Ille, qui manat ex semine, solidas constituit partes, ab ortu primo ijs insitus. hujus verò è corde proficiscentis perpetuo appulsu, eadem fouentur jucundissimè, feruentque ad opus: & hinc singularum perfectio actionum æstimatur atque integritas. Verùm, qui celeri per corpus vniuersum impetu diffunditur, promptè exolueretur spiritus, & misero, tum omnis intertrimento facultatis, cum triplicis nostræ substantiæ effluxu, euanesceret; nisi alimentorum identidem aduentantium vsu & gratiâ repararetur. Quamobrem alimenta perenni refarciendæ corporeæ molis jacturæ destinata sunt; quæ, quia τὸ ὅμοιον τρέφεται τῷ ὁμοίῳ, καὶ πᾶσαν δι ἀναγκῆν τροφὴν δύνασθαι πέψασθαι, summam ideò cum alendis hominibus consequi familiaritatem debent; si modò ad coctionem elementarum affectionum eleganti mixturâ & dissimilitudine probè temperata.

A

PETVNTVR alimenta vel ex ijs, quæ tanquàm omnium provida tellus parens effundit, frugibus, herbis; vel fructibus; vel ex animalibus. Inter hæc excellentioris succi atque nutrimenti *ευαλλόιωτα, ἐνπερίφητα καὶ δυσανδλωτα*. horum communem necessitatem miserè infuscant obsoniorum artifices, ac nimium frequentes cibis omnibus elegantius & suavius condendis officinæ. plus ense plectit gula; & maxima pars mortalium, nimiam delicatiorum esculentorum varietate ac voracitate, ruit ad interitum. In paucis reperitur diuturnioris vitæ moderatrix temperantia; & vix vnus ex innumeris, cui, quid comedat, curæ sit: quod voluptati magis studeant homines, quàm sanitati. Nestoreos exoptas menses; menses ad salutem parato, summamque in fugiendis epularibus delitijs habeto cautionem, ac penè superstiosam in alimentis approbè deligendis sollicitudinem. Terrestrium animalium atque volucrum dissimilis multiplexque caro, principum mensarum fastus, frugulentium Lurconum certissima labe, non minimam inuehit ægrè coquenti ventriculo perturbationem; Illa, vt succum plus æquo adjicit, calidum ac tenuem, sic & corpori semper futura insalubris, atque fuscitandæ putredini, bilique copiosiori colligendæ peropportuna. Inde malorum Ilias, in primis arthritis, rheumatismus, epilepsia, infania.

III.

OV A, volatiliū *πνύματα*, à multis recepta; recentia præstant veteribus, assis elixa, sorbilia inspissatis, omnibus tremula, quæ oleoso tamen ac pingui humore diffluent, atque ideò nonnisi frigidioribus temperamentis tutò conceduntur. æstate pessimâ, febriles impetus accendunt, fæces indurant, occludunt meatus, & in bilem facillimè abeunt. Pisces frigidiores sanitati vt plurimum conducunt; alij magis, alij verò minùs. Inter illos multi nocent, paludosi scilicet, & in seligendis imminet errori pœna vix emendabilis. præter pisces; olera, radices, totam naturam omnium altricem & quidquid ciborum est expendas: eduliorum nulla, quæ in hominis usum sanitatem vcedunt, adeò laudabilia sunt, quàm optimæ fruges, experientiâ vel iudice. Inter fruges annumerantur fructus, quos primi Parentes ex arboribus incultis magnâ acerbitate insuaues carpebant, fortè non innoxie, sic cedit nobis, qui vni titillationi prurientis gulæ indulgentes, morborum omnium pœnas persoluimus: quod abesset, si parcè & ex lege vteremur. Quamo-

3

367

brem innumerâ agritudinum illuue liguritores castigantur non immeritò, qui abdicatâ prorsus suâ hygeias diligentia, superad-
dunt mensis opiparisque dapibus rariores fructus ad vltimam
vsque lucernam. verùm fructus laudabiles, si modò summâ ar-
te, prudentiâ & electione Medicus Imperabit.

IV.

M A L A inter alios arborum fœtus *ἐνάλια* sunt & princi-
patum obtinent: succo frigido & humido lubrica descen-
dunt in aluum, intestina mole suâ distendunt, & quidquid ex
fœculentis cibis excrementosum superfuit, secum foras salubri-
ter eliminant, efferuescentem temperiem cohibent, sternuntque
viam erupturæ bili. Quisquis igitur æstus visceribus, aut grâ-
uaris stabulantibus retrimentis, his fructibus jejunos vtere, &
aquam liberaliter superbibe: Sic enim aqua hærens feruentibus
intestinis fit medela, perse aliàs sola beneficium naturæ paucum
collatura: sic etiam fructuum putredo, eorumque fermentationis
symptomata præpediuntur, sed & fructuum gratiam vix vllam esse
puta, si absque aquarum commeatu soli veniant in vsum. nempe
quod ex ijs sine aqua potu acceptis succum omnem nutritium
statim haurit æstus viscerum: Tum verò à sabburrâ exsiccâ &
squalidâ superstitute quid aliud expectes quàm segnes in ventre
moras & confusaneam excrementorum sarcinam: abstineant à
crudis fructibus *ἢ ζεῶσιλοι καὶ ὀξυρρυμίδεις*, iis tamen aluo sol-
uendæ proderunt cocti, si eorumdem succum, atque etiam
aquam superbibant. Qui verò fructus in farinam secedunt, qua-
les castaneæ, aluum firmant, adeoque cor ipsum, sed non raro,
quod humores serosos & acres exugunt, eosque per aluum de-
turbant. Fructus in promulsæ assumptus famem & æstum visce-
rum compescit, quod impedimento est, ne illa celerius cibum
infectum rapiant, aut ipsum in nidorem conuertant, nèue in-
temperantiis carnibus exquisitis-ve dapibus indulgeamus; aut
etiam venæ plus nimio distendantur, eximie fructuum vires, sed
alimentitiæ minus, quàm medicamentosæ. Ex valentioribus fru-
gum alimentis Cereale salubre est & euchymum.

IX. I. C. M. H. 2. 4. V.

C E R E A L I A crescunt in aristas, aut in siliquas. hæc le-
gumina vocantur, ex quibus panis non conficitur propter
substantiæ friabilitatem. Vitijs suis corpus lædunt. communia
sunt flatulentia, cacoehymia, & coctio difficilis. singulæ species
proprijs etiam offendunt. Lenticula turbat & stringit aluum,
humorem melancholicum producit, ac proinde cerebro nocet

& oculis. eadem efficiunt Fabæ, ac præterea inflant. Phaseoli turbulenta inducunt insomnia. Pifa minùs nocua. Pergamus ad aristas, quæ propriè cerealia sunt. ex illis laudabilis panis conficitur: nam propter succi lentorem & probitatem liquari possunt & condescere. Hæ fruges præbent optimum & connaturale hominis alimentum. Hordeum quippè spoliatum glumâ coctumque diù & lentè, thoracis affectibus laboranti opportunissimum; suavi, continuo, læui ac lubrico lentore quodam pollet, qui tanquàm caloris & siccitatis obex sitim restinguit; minimè putret, & hærentes meatibus humores prauos eluit eximiè. nusquàm astringit, nec malam infert perturbationem, quia probè coctum intumuit, & non vlteriùs intumescit in ventre: hordeum tamen parùm alit, & non facilè condescit, quæ alimenti necessaria conditio. Similiter auena, milium, panicum & oryza vix liquantur & condescunt, ægrè coquuntur, & sanguinem crassum generant. Secale præstat istis omnibus, Triticum tamen longè inferius, stomacho graue est & flatu gignit. Quare triticeus panis vt purissimus, ita valentissimus est, vires egregiè reficit, plurimum alimentum & optimum continet, non qui ex poline, sed qui ex similâ compactus; est *εὐσθμάχος*, *ευκόλιος*, intestina eluit, minimùm bilis creat, & si quæ aliundè nata est, in vias intestinorum deducit. hic panis naturæ hominis *ὁμόφυλος*, genuinum & naturale est illius alimentum, idque omnibus anteponendum. nullum est quod in ventriculo faciliùs liqueatur, promptiùs distribuatur, celerius condescat & apponatur, appositumque hæreat contumaciùs, calorem natium diutiùs foueat, facultatum denique & functionum omnium perfectionem salubriùs tueatur.

Igitur homo fruges consumere natus.

Afferebat Lutetiæ HIPPOLYTUS DV VAL,
Pontifaranus, Prior B. Mariæ Campanenſis, & S.
Dionisij de Vago-Monte. A.R.S.H.M. DC. LXIII.

PARISIIS,
Apud FRANCISCUM MUGET Typographum Regium, via
Citharæ, ad insigne Adorationis Regum.